

Script Of Morning Gojri News Bulletin 04 June 2024 at 1000Hrs

مارننگ گو جری نیوز بلیٹن مورخہ 04 جون 2024

<><><><><><><><>

- *1۔ اٹھارویں لوک سبھا بارے انتخابات غا ووٹاں غی گنتی شروع ہو چکی ہے۔ اعلیٰ چناؤ کمشنر راجیو کمار نے کہیو ہے جے لوک سبھا چناؤ مانہ 64 کروڑ 20 لکھ ووٹراں غی شمولیت سنگ بھارت نے اک عالمی ریکارڈ قائم کیو ہے۔
- *2۔ ترے درجہ حفاظتی بندوبست غے تحت جموں تے اُدھم پور ر لوک سبھا سیٹاں واسطے ووٹاں غی گنتی شروع ہو گئی ہے۔
- *3۔ وادی کشمیر غا پلوامہ ضلع مانہ حفاظتی دستاں تے دہشت گرداں بشکار پیش آیا اک تصادم مانہ لشکر طیبہ غا چوٹی غا کمانڈر سمیت 2 دہشت گرد ماریا گیا ہیں۔
- *4۔ تے چیف سیکریٹری اتل ڈلو نے شری امرناتھ یا ترہ 2024 بارے تیاریاں غو جائزو لیو ہے۔ انہاں نے یا ترہ شروع ہون تیں پہلاں پہلاں تمام سہولیتی کمان ناتہ مکمل کرن با رے ہدایت جاری کی ہیں۔

Election Commission Counting

لوک سبھا انتخابات غا ووٹاں غی گنتی آج سویرے 8 بجے تیں شروع ہو چکی ہے۔ اسے طرح اندرہ پر دیش تے اڑیشہ غا اسمبلی چناؤ تے بہت ساری بکھ بکھ ریا ستاں مانہ ضمنی اسمبلی انتخابات غا ووٹاں غی گنتی وی آج ہی ہو رہی ہے۔ ووٹاں غی گنتی غی خاطر تیاریاں بارے اعلیٰ چناؤ کمشنر سی ای سی راجیو کمار نے کہیو ہے جے اس با رے بڑا مضبوط انتظام ہیں تے اس خاطر تقریباً ساڈا 10 لکھ بوتھ ہیں۔ اور ہر بوتھ مانہ 14 ٹیبل ہیں۔ ان ور نگران و چھوٹا نگران مقرر کیا گیا واہ ہیں اور تمام کو نٹینگ مرکزیاں ور پہلاں پوسٹل بیلٹس غی گنتی شروع کی گئی ہے۔ اس شروعات غا دھا گھنٹا بعد برقی ووٹینگ مشیناں مانہ درج ووٹاں غی گنتی شروع ہوئی۔ احسن انتخابی عمل منعقد کروان غی خاطر بہت سارہ شہراں ور کثیر گنتی مرکزیاں ور 3 درجہ حفاظتی نظام قائم کیو گیو ہے۔ پارلیمانی تے اسمبلی حلقاں واسطے ریٹرننگ افسراں و اسسٹنٹ ریٹرننگ افسراں غی طرفوں درج خاکہ غے مطابق ووٹاں غی گنتی غا رجحانات و نتائج چناؤ کمیشن غی ویب سائٹ تے ووٹر بیلپ لائین ایپ ور دستیاب ہیں۔

Chief Election Commissioner

چیف الیکشن کمشنر راجیو کمار نے کہیو ہے جے لوک سبھا انتخابات مانہ 64 عشاریہ 2 کروڑ لوکاں غی شمولیت نال بھارت نے اک عالمی ریکارڈ قائم کر دتو ہے۔ نویں دہلی مانہ اک پریس کانفرنس نال خطاب کر تاں واں چناؤ کمیشن نے کہیو ہے جے یاہ شمولیت گروپ 7 ملکاں، امریکہ، برطانیہ، فرانس، جرمنی، اٹلی جاپان، تے کنیڈا تیں ڈھیڑ گناہ زیادہ ہے۔ انہاں نے کہیو ہے جے اس چناؤ مانہ 31 عشاریہ 2 کروڑو کا لسریاں نے وی شرکت کی ہے جہیڑی جے پوری دنیا مانہ سب تیں زیادہ ہے۔ اک سوال گا جواب مانہ انہاں نے کہیو ہے جے جموں کشمیر مانہ جلد اسمبلی چناؤ غو عمل جلد شروع کیو جائے گو۔

JK Counting

مُلکِ غا دوجا حصاں غی طرح جموں کشمیر مانہہ اُدھم پور کٹھوعہ 4 تے جموں ریاسی پارلیمانی نشست وروی ووثاں غی گنتی غو عمل جاری ہے جت جموں تے کٹھوعہ ضلع مانہہ بنایا گیا گنتی مرکزیاں مانہہ حفاظت غا تگڑا بندو بست کیا گیا ہیں۔ ان دوہاں پا رلیمانی نشستاں وری 23 عشاریہ 94 لکھ ووثاں پیاں ہیں۔ جس مانہہ 34 امید واراں غی قسمت غو فیصلو ہو ریبو ہے۔ جن امید واراں غی سیاسی تقدیر غو فیصلو ہو ریبو ہے ان مانہہ سننیر بی جے پی رہنما تے مرکز وزیر ڈاکٹر جنتندر سنگھ، جموں تیں موجودہ رکن پارلیمان جگل کشور شرما، کانگریس غا سابق وزیر چودھری لال سنگھ تے رمن بھلا شامل ہیں۔ جموں مانہہ گنتی مرکزیاں وری کس طرح غو رجحان ہے اس بارے جاتکاری جموں تیں برائے راست مہارا نامہ نگار انکوش شرما۔۔۔ بائیٹ۔۔۔ اُدھم پور کٹھوعہ لوک سبھا نشست واسطے کٹھوعہ مانہہ تگڑا حفاظتی انتظام کیا گیا ہیں۔ سماج مخالف تے مُک مخالف سرگرمیاں وری نگرانی رکھن واسطے بین القوامی سرحد تے بین ضلع چیک پوائنٹ وری حفاظت بدھا دتی گئی ہے۔ اُدھم پور کٹھوعہ پارلیمانی سیٹ واسطے سرکاری ڈگری کالج کٹھوعہ گنتی مرکز قائم کیو گیو ہے۔ جت کثیر سطحی سکیورٹی غے نال نال سی سی ٹی وی کیمران نال وری نگرانی رکھی جا رہی ہے۔ اس طرح انت ناگ راجوری پارلیمانی حلقہ واسطے راجوری مانہہ بنایا گیا گنتی مرکز وری گنتی غو عمل جاری ہے۔ جس بارے اتوں مہارا نامہ نگار ست پال مہارا نال جڑ گیا ہیں جہیڑا فون وری ہم نانہہ ات غی صورتحال بارے دس رہیا ہیں۔۔۔ بائیٹ۔۔۔

DM Jammu

ضلع میجسٹریٹ جموں سچن کمار ویشے غی طرفوں کو نٹینگ مرکزیاں غا احاطہ مانہہ سی آر پی سی غی دفعہ 144 غے تحت امتناعی احکامات جاری کیا گیا ہیں تانجے ات عوامی امن و قانون تے سکون غو ماحول قائم رہ۔ اس سلسلہ مانہہ جاری اک حکم نامہ مانہہ کہیو گیو ہے جے 4 جون نانہہ لوک سبھا 2024 غا عام انتخابات غا ووثاں غی گنتی کی جا رہی ہے۔ لحاظہ امن و قانون بگڑن غا خدشہ سنگ سی آر پی سی غی دفعہ 144 نانہہ ناظ کیو گیو ہے۔ جس غے تحت کو نٹینگ مرکزیاں غا احاطہ مانہہ کسے قسم غا جلوس یاہ نعرہ بازی، عوامی خطاب، لوٹ سپیکر غا استعمال وری پابندی لائی گئی ہے۔ اسے طرح کسے وی سیاسی جماعت یا امیدوار غی طرفوں تقریبات یاہ جشن منان غی وی اجازت نہیں وے گی۔ گنتی آلے روز یعنی اج پُر سکون ماحول بنان غی خاطر گنتی مرکزیاں غا 100 میٹر غا دائرہ مانہہ جھنڈاں سنگ یاہ جھنڈا غے بغیر ڈنڈاں و لاٹھیاں نانہہ لیجان تے ات جلوس و اجتماع وری پابندی رہ گی۔ اس روز سڑکاں وری اور عوامی جگہاں وری پٹاخہ پھونکن یاہ چلان وری پابندی رہ گی۔ جاری حکم نامہ مانہہ مزید کہیو گیو ہے جے بغیر اجازت غے کوئی وی امیدوار یاہ پارٹی جتن وری جلوس یاہ ریلی اہتمام نہیں کر سکتی۔ جموں ضلع غی حدود مانہہ یوہ حکم نامہ فوری طور نافذ العمل ہے تے 5 جون 2024 تک اس غو نفاذ رہ گو۔

Encounter

اک بڑی کامیابی مانہہ جموں کشمیر غا ضلع پلوامہ مانہہ مانہہ ممنوعہ دہشت گرد تنظیم لشکر طیبہ غا 2 دہشت گرد ہلاک کر دتا گیا ہیں جس مانہہ اک لشکر طیبہ غو خود ساختہ کمانڈر وی شامل ہے۔ دہشت گردی مخالف آپریشن جہیڑو اتوار آلے تہاڑے شروع ہوو

تھو جس مانہہ نہیمہ علا قہ مانہہ دہشت گرداں نے اک گھر مانہہ پناہ لی وی تھی۔ جس دوران ہوئی گولی باری ان دہشت گرداں ناہہ ہلاک کر دتو گیو ہے۔

یہ خبر تم آکا شوانی جموں تیں سن رہیا ہیں خبراں غا باقی حصہ نال عالم خان ہکلہ۔

Chief Secretary

چیف سیکریٹری اتل ڈلو نے پچھلے تہاڑے شری امرناٹھ جی شرائین بورڈ غی سب کمیٹی غی میٹنگ غی صدارت کی ہے۔ جس سیول انتظامیہ غے نال نال پولیس غا اعلیٰ افسراں نے شرکت کی ہے اس میٹنگ مانہہ شری امرناٹھ جی یا ترا 2024 ناہہ محفوظ اور احسن طریقہ نال کران واسطے کی جا رہی تیاریاں غو جائزو لیو گیو۔ چیف سیکریٹری موصوف نے چندن واڑی تے بالتال تے رستے چلن آلی یا ترا واسطے جموں سرینگر قومی شاہراہ ور یا تریاں ناہہ محفوظ، احسن تے بغیر کسی خلل غے سہولیات مہیا کران بارے تفصیلی جائزو لیو ہے۔ انہاں نے متعلقہ حکام ناہہ ہدایت کی ہے جے وے یا تریاں ناہہ تمام ضروری سہولیات مہیا کران ناہہ یقینی بناویں۔ 52 تہاڑاں ور مشتمل سالانہ امرناٹھ یا ترا 29 جون 2024 ناہہ شروع ہو غے 19 اگست 2024 ناہہ اختتام وے گی۔ اس دوران جانکاری دتی گئی ہے جے یا ترا واسطے آف لائن تے آئین لائن طریقہ نال اندراج کران غو عمل 15 اپریل 2024 تیں شروع ہو چکو ہے۔ تے ای کے وانی سی مکمل ہون تیں بعد تمام آر ایف آئی ڈی کا رڈ دتا جا نیں گاتے کسی وی یا تری ناہہ درست آر ایف آئی ڈی غے بغیر یا ترا ور جان غی اجازت نہیں وے گی۔ چیف سیکریٹری موصوف نے تمام محکماں ناہہ ہدایت کی ہے جے وے یا ترا شروع ہون تیں پہلاں تمام بقایا کماں ناہہ بغیر معیار ور سمجھوتو کیاں پورو کریں۔

ADC Drug Udhampur

ادھم پور ضلع مانہہ ایڈیشنل ڈپٹی کمشنر جو گیندر سنگھ جسروٹیہ نے کل اک میٹنگ غی صدارت کرتاں واں منشیات مانگ کٹوتی بارے قومی عملی منصوبہ یعنی (این اے پی ڈی ڈی آر) غے تحت ضلع ریڈ کراس سوسائٹی غی طرفوں ادھم پور ضلع مانہہ نشہ تیں چھڑان آلا مرکز قائم کرن بارے غور کیو گیو۔ میٹنگ غے دوران نشہ تیں چھٹکارو دوان بارے ایسا مرکز قائم کرن بارے ڈھانچانی ضرورتاں، ضروری سہولیات تے نقل و حمل انتظامات سمیت تمام معاملات بارے تفصیلی تبادلہ خیال کیو گیو۔ تانجے ان مرکزوں غو موثر کم کاج شروع ہونو یقینی بنایو جا سکے۔ میٹنگ غے دوران تحصیلدار ادھم پور ناہہ کہیو گیو جے وے ایسا مرکز ناہہ قائم کرن بارے اک مناسب رہائش غی نشاندہی کریں۔ ایڈیشنل ڈپٹی کمشنر موصوف نے نشہ چھڑکاؤ مرکز غا احسن کم کاج ناہہ یقینی بنان بارے غیر سرکاری تنظیمیں سنگ تال میل غی اہمیت ور زور دتو ہے۔

JKEDI

جموں کشمیر کاروباری ترقیاتی ادارہ غا ڈائریکٹر راجندر کمار شرمانے پچھلا تہاڑے رام بن مانہہ جموں کشمیر مشن یوتھ تیجسونی پہل غے تحت 10 روزہ کاروباری ترقیات پروگرام (ای ڈی پی) غو ای افتتاح کیو ہے۔ افتتاح توں بعد شرکت کرن آلاں سنگ خطاب کرتاں واں جے کے ای ڈی آئی غا ڈائریکٹر نے خواتین ناہہ باختیار بنان غی اہمیت ور زور پاتاں واں کہیو ہے جے ان ناہہ ضروری بنر تے وسائل فراہم کر غے ان ناہہ عالمی

دُنیا مانہہ کامیاب تاجر بنا سکاں۔ اس 10 روزہ پروگرام مانہہ کل 28 درخواست دہندگان نے اندراج کرایو ہے۔ جت اُن مانہہ تمام طرح غا بٹر، تربیت اور مدد دتی جائے گی۔

Akashwani

آکاشوانی غی طرفوں آئی سی سی ٹی ٹوانٹی عالمی کپ 2024 جہیزو جے امریکہ تے ویسٹ انڈیز مانہہ ہو ریبو ہے اُس گی برائے راست کمنٹری نشر کرے گو۔ جس مانہہ بھارت غا تمام میچ، سیمی فائنل تے فائنل مقابلان گی کمنٹری شامل ہے۔ کمنٹری تیں علا وہ کئی زبانان مانہہ میچ تیں پہلاں پروگرام وی نشر کیا جائیں گا۔ اس تیں علا وہ ڈی ڈی سپورٹس ور وی یہ میچ دسیا جائیں گا۔

اس غے نال ہی خبراں غو یوہ بلیٹن ختم ہوؤ۔